

**UNIVERZITET U ŠARAJEVU
FAKULTET POLITIČKIH NAUKA**

**POSLOVNIK O RADU
KOMISIJE ZA IZBOR AKADEMSKOG OSOBLJA**

Sarajevo, august 2022. godine

Na osnovu člana 104. Statuta Univerziteta u Sarajevu, a u vezi sa članovima 106.,107. i 108. Zakona o visokom obrazovanju Kantona Sarajevo („Službene novine Kantona Sarajevo“ broj 33/17,35/20, 40/20, 39/21), a po osnovu Konkursa za izbor asistenata na Univerzitetu u Sarajevu – Fakultet političkih nauka raspisanog 22.07.2022. godine, a uzimajući u obzir redovnu praksu prilikom sličnih izbora, po prethodnoj saglasnosti sekretara, Vijeće Fakulteta političkih nauka Univerziteta u Sarajevu na sjednici održanoj 31.08.2022. godine *donosi*,

POSLOVNIK O RADU KOMISIJE ZA IZBOR AKADEMSKOG OSOBLJA

I - OPĆE ODREDBE

Član 1 (Predmet Poslovnika)

Ovim Poslovníkom se bliže uređuju nadležnosti, način rada kao i druga pitanja od značaja za rad Komisija za provođenje javnog oglasa za izbor akademskog osoblja u saradnička zvanja (u daljem tekstu: Komisija):

- Asistent/ica za naučnu oblast Politologija, 2 izvršioca sa punim radnim vremenom
- Asistent/ica za naučnu oblast Sociologija, 1 izvršilac sa punim radnim vremenom
- Asistent/ica za naučnu oblast Žurnalistika/Komunikologija, 1 izvršilac sa punim radnim vremenom
- Asistent/ica za naučnu oblast Sigurnosne i mirovne studije, 1 izvršilac sa punim radnim vremenom
- Asistent/ica za naučnu oblast Socijalni rad, 1 izvršilac sa punim radnim vremenom

Član 2. (Načela)

Rad Komisije se zasniva na načelima nezavisnosti, nepristrasnosti, javnosti i zakonitosti.

Član 3. (Propisi)

Komisija provodi proceduru izbora akademskog osoblja u saradnička zvanja u skladu sa Zakonom o visokom obrazovanju Kantona Sarajevo („Službene novine Kantona Sarajevo“ broj 33/17,35/20, 40/20, 39/21), Statutom Univerziteta u Sarajevu, Konkursom za izbor asistenata na Univerzitetu u Sarajevu – Fakultet političkih nauka raspisanog 22.07.2022. godine i Odlukom o imenovanju članova Komisije za izbor akademskog osoblja.

II — NADLEŽNOSTI I NAČIN RADA KOMISIJE

Član 4. (Nadležnosti Komisije)

Nakon usvajanja Odluke o imenovanju članova Komisije za izbor akademskog osoblja na sjednici Vijeća 31.08.2022. godine, sekretar Fakulteta će članovima Komisije dostaviti Potvrdu o urednosti i blagovremenosti pristiglih prijava na konkurs zajedno sa kompletnom konkursnom dokumentaciju, dana 01.09.2022.godine.

Član 5.

Komisija iz člana 1. ove Odluke, obavezna je da po primitku dokumentacije iz člana 4.:

- a) pregleda sve pristigle prijave i dostavljene dokaze,
- b) utvrdi ispravnost pristiglih prijava i dostavljenih dokaza,

- c) sastavi spisak kandidata između koji se provodi izborni proces i prosljedi ga sekretaru Fakulteta,
- d) provede usmeni intervju sa svim kandidatima/kandidatkinjama koji ispunjavaju formalne uslove za izbor (intervju se može sastojati iz razgovora i pitanja iz oblasti iz koje se vrši izbor, kako i pitanja kojima će se provjeriti opšte znanje kandidata/kandidatkinje).
Intervju obuhvata slijedeće kriterije: a) opće osobine, b) predznanje o oblasti na koju se vrši izbor c) opšta informisanost d) opći utisak.
- e) provede pismeni ispit sa po potrebi, sa ranije definiranim pitanjima po oblastima iz kojih će se izvršiti provjera znanja (pismeni ispit će sadržavati pitanja iz oblasti iz koje se vrši izbor, kako i pitanja kojima će se provjeriti opšte znanje kandidata/kandidatkinje). Komisija je nadležna da po vlastitoj procjeni odredi da li će se provoditi pismeni ispit. U slučaju provođenja pismenog ispita, isti se može sastojati od pitanja na zaokružiti, kao i dužih pitanja, u kojima će se detalje obrazložiti određena ispitna materija.
- f) intervju i pismeni ispit se mogu uzeti u obzir radi sticanja kompletnog uvida u potrebne kompetencije kandidata/kandidatkinje i mogu se uzeti u obzir prilikom donošenja konačne odluke o izboru kandidata/kandidatkinje.
- g) Komisija će o datumu, vremenu i mjestu održavanja intervjua i pismenog ispita obavijestiti kandidate putem oficijelne web stranice Univerziteta u Sarajevu – Fakulteta političkih nauka na www.fpn.unsa.ba (u dijelu „Konkursi“). O daljnjem procesu izbora kandidati se mogu obavijestiti putem web stranice, pismeno, usmeno, elektronski ili putem telefona.
- h) Komisija iz člana 1. ove Odluke, obavezna je izvještaj sa prijedlogom za izbor u zvanje dostaviti Vijeću putem protokola Fakulteta u skladu sa Zakonom, Statutom, tekstom raspisanog konkursa, i ovom Odlukom i to u roku od 45 dana od dana isteka roka za podnošenje prijava na konkurs (konkurs zatvoren za prijave 01.08.2022. godine).

Član 6. (Mjesto zasjedanja Komisije)

Mjesto zasjedanja komisije je u prostorijama poslodavca, na adresi Skenderija br. 72.

Član 7. (Način rada Komisije)

- (1) Komisija je u svom radu nezavisna.
- (2) Komisija zasjeda u punom sastavu prilikom provođenja konkursne procedure - otvaranje prijava, pregled i razmatranje dokumentacije, provođenje intervjua i pismenog ispita.
- (3) Administrativno-tehničke poslove za Komisiju obavlja sekretar Fakulteta.

Član 8. (Vođenje zapisnika)

- (1) O toku sjednice Komisije vodi se zapisnik.
- (2) Zapisnik sadrži datum, mjesto i vrijeme održavanja sjednice, osnovne podatke o toku sjednice, sažeto izlaganje, prijedloge i konstatacije, zaključke te prijedlog odluke Komisije.

IV — PRIJELAZNE I ZAVRŠNE ODREDBE

Član 9. (Izmjene i dopune Poslovnika)

(1) Izmjene i dopune ovog poslovnika vrše se na način i u postupku propisanom za njegovo donošenje.

Član 10. (Stupanje na snagu)

(1) Ovaj Poslovnik stupa na snagu danom donošenja i objavit će se na web stranici Univerziteta u Sarajevu – Fakulteta političkih nauka.

Broj: 02-1-***-2/22
Sarajevo, 31. 08. 2022. godine

M.P.

DEKAN

Prof.dr. Sead Turčalo